



Bank Pilihan Anda

TERMA DAN SYARAT
PROGRAM 'AUTOMATIC BALANCE CONVERSION (ABC)'

Program 'Automatic Balance Conversion' (ABC), merupakan program yang membolehkan Bank Rakyat membuat penukaran jumlah baki prinsipal tertunggak pemegang kad (transaksi runcit **DAN** pengeluaran tunai) secara automatik kepada bayaran ansuran bulanan selama 36 bulan dengan kadar keuntungan 13% setahun @ 1.08% sebulan. Program ini **HANYA** ditawarkan kepada pemegang Kad Kredit-i (akan dirujuk sebagai "Pemegang Kad" selepas ini) yang **TERPILIH** berdasarkan kriteria yang ditetapkan di dalam Terma dan Syarat ini. Bank Rakyat akan memaklumkan Pemegang Kad yang layak melalui SMS, emel atau lain-lain saluran komunikasi yang difikirkan sesuai oleh Bank Rakyat. Terma dan Syarat ini perlu dibaca bersama dengan Terma dan Syarat umum Kad Kredit-i Bank Rakyat.

❖ **A. SYARAT-SYARAT KELAYAKAN PROGRAM :**

Program ABC ini ditawarkan kepada Pemegang Kad yang menepati kriteria kelayakan seperti berikut :

1. Warganegara Malaysia.
2. Jumlah pendapatan tahunan **TIDAK MELEBIHI** RM60,000 setahun atau RM5,000 sebulan (berdasarkan jumlah pendapatan tahunan terakhir yang terdapat di dalam rekod Bank Rakyat).
3. Tidak membuat pembayaran penuh secara konsisten bagi baki tertunggak dalam tempoh 12 bulan sebelum; dan
4. Purata bayaran bulanan adalah 10% atau kurang daripada jumlah baki tertunggak dalam tempoh 12 bulan sebelum.
5. Jumlah baki tertunggak semasa (transaksi runcit dan pengeluaran tunai) minimum adalah RM1,000.
6. Akaun Kad Kredit-i **MESTILAH** berstatus **AKTIF** dan **TIDAK TERTUNGGAK** ketika program ABC ditawarkan.
7. Wargakerja Bank Rakyat **TIDAK** layak untuk menyertai program ABC ini.

❖ **B. JUMLAH ANSURAN BULANAN DAN KADAR KEUNTUNGAN YANG DITAWARKAN :**

1. Jumlah ansuran bulanan adalah selama 36 bulan dan kadar keuntungan adalah sebanyak 13% setahun @ 1.08% sebulan.

❖ **C. MEKANISMA PROGRAM :**

1. Pemegang Kad yang layak akan dimaklumkan melalui SMS. Di dalam SMS tersebut, Pemegang Kad akan dimaklumkan mengenai pendaftaran ke program ABC, jumlah baki penukaran, tempoh bayaran ansuran serta kadar keuntungan 13% setahun.
2. Pemegang Kad boleh memohon untuk keluar (*opt-out*) daripada program ABC ini dengan menghubungi Pusat Kad Bank Rakyat di talian 03-2693 6880 dalam masa **30 hari** daripada tarikh SMS diterima. Jika tidak, Pemegang Kad dianggap **BERSETUJU** untuk didaftarkan di bawah program ABC ini.

3. Selepas tamat tempoh 30 hari, jumlah baki tertunggak prinsipal semasa serta jumlah kadar keuntungan sebanyak 13% setahun akan ditukarkan secara automatik kepada bayaran ansuran bulanan selama 36 bulan. Walaubagaimanapun, untuk penukaran kali pertama, Pemegang Kad diberi tempoh bertenang selama 30 hari lagi untuk keluar (*opt-out*) daripada program ABC tanpa dikenakan sebarang caj.
Nota : Jika baki tertunggak prinsipal semasa kurang daripada RM1,000 ketika penukaran dilaksanakan, Pemegang Kad akan digugurkan daripada program ABC.
4. Bayaran ansuran bulanan adalah tetap dan akan dipaparkan di dalam penyata bulanan Kad Kredit-i pada bulan berikutnya selepas penukaran baki dilaksanakan
5. Pemegang Kad adalah bertanggungjawab untuk memastikan membuat pembayaran **PENUH** bayaran ansuran bulanan di bawah program ABC yang merupakan sebahagian daripada bayaran minimum bulanan seperti yang dipaparkan di dalam penyata bulanan Kad Kredit-i. Kegagalan membuat pembayaran minimum setiap bulan, akan dikenakan caj ganti rugi (Ta'widh) dan kadar keuntungan seperti yang telah dinyatakan di dalam Borang Permohonan dan Helaian Pendedahan Produk.

Komposisi bayaran minimum bulanan adalah terdiri daripada :

- 5% daripada baki tertunggak (termasuk transaksi runcit, pindahan baki (tanpa ansuran), pengeluaran tunai, caj keuntungan, Cukai Perkhidmatan Kad, yuran tahunan (sekiranya ada), cukai tambahan yang dikenakan (sekiranya ada) dan lain-lain fi (sekiranya ada) **DAN**
- Pelan ansuran bulanan (kontrak ansuran bulanan FLEXI, EPP, pindahan baki dan sebarang ansuran lain dari masa ke masa) yang dilanggan **SELEPAS 31 MEI 2020 DAN**
- Kontrak ansuran bulanan pembiayaan berjadual bagi *Automatic Balance Conversion* (ABC) sekiranya ada **DAN**
- Bayaran minimum bulanan yang tertunggak **DAN**
- Amaun penggunaan melebihi had pembiayaan

ATAU

Bayaran minimum sebanyak RM50 daripada jumlah baki tertunggak, yang mana lebih tinggi.

6. Jika Pemegang Kad gagal membuat pembayaran **PENUH** bayaran ansuran bulanan di bawah program ABC, caj keuntungan akan dikenakan ke atas baki prinsipal ansuran bulanan bulan tersebut mengikut Tier kadar keuntungan semasa serta caj ganti rugi (Ta'widh) seperti yang dinyatakan di dalam Borang Permohonan dan Helaian Pendedahan Produk.
7. Jika Pemegang Kad tidak membuat bayaran atau bayaran kurang daripada bayaran minimum yang dipaparkan di dalam penyata bulanan Kad Kredit-i dalam tempoh 3 bulan berturut-turut, program ABC akan terbatal secara automatik. Baki prinsipal di dalam program ABC akan dikenakan caj keuntungan mengikut Tier kadar keuntungan semasa seperti yang dinyatakan di dalam Borang Permohonan dan Helaian Pendedahan Produk Kad Kredit-i.
8. Sekiranya Pemegang Kad memohon untuk membatalkan penyertaan di bawah program ABC sebelum tamat tempoh bayaran ansuran **ATAU** permohonan untuk penjelasan awal, Pemegang Kad dikehendaki untuk membuat pembayaran **PENUH** baki tertunggak **TERMASUK** caj keuntungan semasa di bawah program ABC dengan menghubungi Pusat Kad Bank Rakyat terlebih dahulu sebelum membuat pembayaran.
9. Di bawah program ABC ini, Kad Kredit-i Pemegang Kad tidak akan disekat dan kad masih boleh digunakan.

10. Jumlah baki tertunggak di bawah program ABC adalah merupakan sebahagian daripada had pembiayaan. Pembayaran bulanan akan meningkatkan jumlah had pembiayaan yang boleh digunakan.
11. Bayaran ansuran bulanan di bawah program ABC adalah tetap dan bayaran yang melebihi bayaran ansuran bulanan tidak akan mengurangkan jumlah bayaran ansuran bulanan pada bulan berikutnya. Bank Rakyat akan menganggap bayaran tersebut adalah sebagai lebihan bayaran di dalam akaun Kad Kredit-i yang akan mengurangkan baki semasa daripada transaksi runcit atau tunai.
12. Kelayakan di bawah program ABC ini akan dinilai dalam tempoh setiap 12 bulan.
13. Jumlah penukaran separa adalah **TIDAK** dibenarkan.
14. Persetujuan Pemegang Kad untuk pendaftaran di bawah program ABC ini adalah termasuk di dalam persetujuan Pemegang Kad bagi pembaharuan akaun Kad Kredit-i secara automatik untuk tempoh kontrak tiga (3) tahun akan datang.

❖ **D. TERMA & SYARAT UMUM:**

1. Bank Rakyat tidak akan bertanggungjawab terhadap sebarang kemungkinan yang disebabkan bencana alam, peperangan, rusuhan, perintah berkurung, kebakaran, banjir, kemarau, ribut, epidemik, pandemik, kegagalan sistem atau apa-apa situasi di luar kemampuan Bank Rakyat.
2. Bank Rakyat boleh meminda mana-mana Terma dan Syarat ini dari semasa ke semasa dengan memberi notis sekurang-kurangnya 21 hari kalendar kepada Pemegang Kad secara bertulis atau melalui saluran elektronik sebelum Terma dan Syarat baru berkuatkuasa.
3. Terma dan Syarat ini perlu dibaca bersama dengan Terma dan Syarat Kad Kredit-i yang mana ia adalah terikat dengan ditafsir mengikut undang-undang Malaysia.
4. Untuk maklumat dan pertanyaan lanjut, sila hubungi Pusat Kad Bank Rakyat di talian 03-2693 6880 atau layari www.bankrakyat.com.my